

先秦—清末

《中國野史集成》編委會
四川大學圖書館 編

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
40	史

先秦—清末

巴蜀書社

目錄 (第四十冊)

寧海將軍固山貝子功績錄	一
胤禛外傳	一七
髮史	一八
多鐸妃劉氏外傳	二三
董妃行狀	二五
董小宛別傳	二八
漢人不服滿人表	三三
綏服紀略	三六
金川紀略	四〇
金川妖姬志	一〇六
平苗記	一二二
塞北紀程	一一三
征準噶爾記	一一五
西征紀略	一二七
從西紀略	一二〇
苗防論	一二七
苗疆師旅考	一二七

撫綏西藏記	一三一
西藏後記	一三四
平臺紀略	一三五
東征集	一六九
記朱一貴之亂	二三三
永憲錄	二四三
綏服厄魯特蒙古記	二四八
兩征厄魯特記	二四九
西征記	二五二
西南夷改流記	二五三
烏蒙秘聞	二五六
平定兩金川述略	二六一
蜀徼紀聞	二六三
征烏梁海述略	二七一
蕩平準部記	二七四
勘定回疆記	二七七
綏服西屬國記	二七九
哈薩克述略	二八〇
新疆後事記	二八二
從征緬甸日記	二八三

征緬紀略	二八八
征緬紀聞	二九二
征緬旬記	二九七
平回記略	三〇〇
臺灣小志	三〇六
平定臺灣述略	三〇七
皇朝武功紀盛	三〇九
東瀛紀事	三五一
征撫安南記	三六三
從征安南記	三六五
征安南紀略	三六五
征廓爾喀記	三六六
妖婦齊王氏傳	三六七
截靖教匪述編(一名大清教匪全傳)	三六八
于役迤南記	四五八
殛坤志略	四七三
平海紀略	四七五
靖逆記	四八一
鴉片事略	五二二
京口債城錄	五四五

鎮城竹枝詞	五六四
草間日記	五六七
夷患備嘗記	五八〇
出圍城記	六〇一
咄咄吟	六一〇
襄理軍務紀略	六五五
英吉利廣東入城始末	六九九
葉名琛廣州之變	七〇七
徵信錄	七一二
咸同將相瑣聞	七三八

寧海將軍功績錄

欽定四庫全書提要

寧海將軍固山貝子功績錄一卷不著撰人
所記乃惠獻貝子富喇塔討逆藩耿精忠山
進兵之事富喇塔爲追封貝勒篇古子康熙十三
年耿精忠據福建反

聖祖仁皇帝命富喇塔爲寧海將軍同奉命大將軍康親
王傑書統兵討之是年至台州破賊於黃瑞山又
連破之紫雲山九里寺山十四年敗其衆於黃土
嶺賊將曾養性乘夜遁去遂復黃巖縣直取溫州
功績錄 提要

浙東底定其詳見

宗室王公功績表傳及八旗通志中是書蓋卽台人
所編自十三年四月耿逆初叛至十四年八月賊
黨自台州遁還溫州凡所聞見各舉崖略隨條紀
錄貝子以懿親受寄盡瘁行間勦逆綏良勲猷懋
著其間戰功次第自不若

國史所載見於奏報者尤爲明晰該備而貝子撫恤
軍民安輯士庶以及運籌決勝之實固閭傳述粗
記頗真以與本傳詳畧相校亦時有足資參核者

焉書前原有紀畧一篇別記貝子台溫二郡戰績
又撫嶧事實一篇紀嶧縣土寇應賊貝子遣兵討
定之事俱不言何人所撰又平閩功績聞見錄一
篇爲閩人金冰所作乃記貝子自浙進兵平閩之
事其文亦頗詳盡謹各仍其舊附錄於末以備互
考惟原本各條下俱終以七言絕句凡九十六首
詞旨淺俚無關考證並從刊刪云

功績錄

提要

寧海將軍固山貝子功績錄

失名

國朝滇黔平西王吳三桂粵平南王尚之孝閩靖南王
耿精忠康熙十二年奉

召入覲當年十月吳三桂抗命反尚王亦反耿王於
次年三月二十四日叛於閩

耿逆叛卽起兵寇浙江衢州所屬常山等縣失陷時總
督李之芳力爲捍圉耿逆遣僞左軍都督曾養性由福
寧州而來將士獻城總兵吳萬福合家受戮

功績錄

十三年四月間曾養性率寇經溫州平陽縣遊擊司廷
猷獻城逼溫郡總兵祖宏勲城守副將羅萬里副將楊
春芳遊擊魏萬侯等戰賊敗績溫郡接壤黃巖黃鎮阿
爾泰頻羽達督撫兩臺交移提督塞白理親援

五月二十二日寧波提督塞白理率兵自寧抵台赴溫
進勒塞體肥胖憚於鞍馬至臨海桑洲淺瀨平灘塞藉
舟筏不備希疎巡撫勿台守高培不遂不得已乃從寧
海薄台纔千餘騎頗不馴服所至索食甚於索逋民難
於供應恣其驕橫羣向塞怨塞置不問延挨多日方行

六月初九日寇陷溫州總兵祖宏勲城守副將羅萬里開門降賊城守副將楊春芳遊擊魏萬侯溫處道陳丹赤永嘉知縣馬璵皆死之

塞白理師援溫州日行三十里至則已踰五日之期緣塞有募掾素與閩寇交密早與寇訂約勿犯寧波俟事平傳檄可定故爾後期及塞詣溫之館頭地方不渡而還溫州遂陷後掾冒軍功即補官東粵索塞厚贖不予掾持塞短塞怒羈其家丁五人手刃其三腹將苦諫乃止由是塞之妄行無忌聲遍浙東矣塞於是月十八夜

功績錄

經台即抵寧波

二十七日金華山賊陷仙居知縣鄭錄勲副將汪國祥內外夾擊賊寇李雲就擒斬之餘孽潘將等仍潛匿於山谷險峻之處

二十八日杭州駐防都統周雲龍帶滿兵到台

七月寇逼樂清縣不戰而降樂清乃溫郡北邑至大荆七十里大荆至黃巖亦七十里八月初二日寇遂逼黃巖屯扎南門外羽山太平黃巖鄉村男女奔竄已受脅制

八月初三日總兵阿爾泰盡部鎮標兵城守兵併象山新昌二營調至兵於是日出戰南門外大敗

初會養性在溫黃巖城守參將武灝陰已納款陽修濠溝假爲備禦迄寇屯羽山薄南門城下旌旗蔽日鎮標兵城守營兵與象山新昌援兵約五千阿鎮欲決死戰初三日強灝同赴敵賊勢披猖莫敵遂敗折卒一千五百餘人諸將僅以身免時灝主降爾泰欲撤營奔台爲灝所制黃人洶湧乘文武官聚議於東門之祠山殿士民沿街塞道長跪乞命求爲保全計爾泰不許降遣蠟

功績錄

書馳報台道提督都統救援周都統遣薩克蘇部滿兵三百至黃爾泰恃心督撥守西門阿堅意死守八月初八日城守參將武灝開東門三門降賊武灝早與賊通因滿兵守西城寇從西城殺入滿兵即與巷戰俱死僅留二人匿城內三清橋陳孟玉家得脫薩克蘇自勿賊前軍都督李長春亦被滿兵擊死是晚爾泰左右皆離叛尚宿南門較場擁數騎將歸署灝挾之偕降養性待爾泰以甥舅禮改名劉建中爲定遠將軍黃巖知縣熊兆昇江西豐城縣人不肯仕僞以僞定遠將軍祖宏勲

豫吏仇維貞管縣事城陷之後人民流亡市井邱墟所有民居俱賊佔住富者勒其供應貧者苦於力役遭僞苛政酷虐非常

僞都督曾養性統羣寇屯扎黃巖南門外羽山設大紅哆囉帳房十餘座稱為大營盤中前後護衛皆嚴每日率羣寇在城東郭外二里許餓虎山脚操練陣圖新降士民俱着割辮蓄髮裹以綱巾使用銅錢從閩省搬運內鑄裕民通寶有土嶼一鄉民不肯要錢卽斬於市僞將軍朱飛熊閩人係水軍都督梟獍無比每赤足不

功績錄

四

履駕大鯨聯絡大船自海門排至黃城北門外浮橋飛熊係聽會養性節制不時赴會養性營盤商酌機宜至則有少年健兒五百人跪之喚曰兒子皆服大紅哆囉呢短甲遍體照耀寇容可畏

阮姑娘聞人乃係發婦性最兇殘亦帶水師寇吾營此婦威猛莫倫舉步如飛遇夜恐人行刺獨宿桅斗之上部下之寇皆熬煎桐油磨煉兩足有赤脚者有穿名鐵草屨者怒卽殺人水師時本婦輒爲先鋒

九月二十七日僞都督邵寇半從黃鄉西度度城嶺柵

溪駐劄郡城與門外江南章家溪等處地方祖宏勳阿爾泰邵寇半從黃北鄉度黃土嶺至郡與養性合兵分三營盤曾養性居中祖弘勳居左阿爾泰居右養性營盤後有刀斧手五百分布左右名曰後牆

十月初十日邵統伯穆赫林吉爾塔布提督段應舉塞白理等率兵過浮橋戰於長天洋敗績渠帥曾養性偵王師之將襲夜半整衆以待我師由浮橋登陸甫衝鋒而滿兵接戰賊兵兩路一由紫沙嶼殺出一從江岸殺來我師急回賊已將浮橋砍斷且馬向不善渡津梁負

功績錄

五

傷者十之一墮溺者且十之四惟台協中軍馬龍鼓絲旂趨雲峯山下抄賊後尾踴躍移時寇恐空國而至悉衆來援戰可一更逃歸數百人龍徐自將所部突圍踰護郭嶺渡七里江帶殘兵歸郡時居民登高遠望但見宵火燭天哭聲震野幾以是夕陷郡城賊衆唱凱歌班師金鼓歡呼瑯瑯動聽

十四日仙居又陷先是仙居爲山賊李雲所破知縣鄭錄勳僉書汪國祥已經恢復緣周都統援台時帶滿兵纔七百人其半殲於黃巖僅隨身三百餘人閒身羈旅

樹立情濃遂赴仙居欲圖進取不虞寇皆聞人爲魁首者朱福等強悍十倍於周都統在仙數失民心竟有投牒渠帥數愬之未幾寇榜周罪狀通衢卽遁回郡遂棄仙居知縣鄭錄勲抱印趨杭

十五日收陣亡屍天洋之戰本出有心轉成挫衄然悔無及寇亦微有惻隱不忍顛越屍傷於十五日在西岸各樹標聽親屬識認載歸一時郡內通衢巷無不焚蘭熬桂腥血風迴聞者欲嘔薦死悼亡悲號口甚

自郡南爲賊所據沿江六七十里如章家溪龍潭嶼等

功績錄

六

處俱築土圍與我師隔江而守又水師賊將朱飛熊將大船戰艦一帶沿江停泊於湧泉新亭後涇等處至我師俱從西北陸路堅守提督塞白理等領兵守東路蔡嶺龍王山等處堅築石城安設炮位以通寧波大路都統周雲龍等領兵守白塔瞭倭山後嶺及西路松山留賢等處俱布置營盤排築土圍以通天台大路

布置各營盤開掘深濠暴露朽骨過者太息

僞總兵朱福既據仙居遂領賊衆出天台大路以斷糧草仙之西北接壤天台若橫水紫凝諸村賊踪遊奕其

間時屯於天封寺寺創於唐制頗宏敵遇官兵輒拒戰我師竟爲所敗糧道遂絕

二十七日都統周雲龍議屠台郡台道楊應魁力爭而止周都統以賊東西搭造浮梁急圖攻城城內驚惶俱欲逃竄且屢戰挫敗滿兵全活無幾緣旂逃回甚衆疑台人與賊暗通遂議屠台以守新昌賴楊應魁力主不可以台爲寧紹門戶台失則浙東皆爲寇有周雲龍又以糧道既絕賊勢猖獗急不能守應魁厲聲呼指文武滿漢官兵謂朝廷封疆寸土難失若見危輒棄要云

功績錄

七

等何用滿漢軍民咸推爲是先周都統棄仙居時應魁爭之不能備將仙居若棄必致爲賊所據斷我糧道等情已密啟大將軍康親王暨寧海將軍固山貝子賢啟深器重之以將來計全台者必是人也又應魁到台時至紹之嵊縣被山賊數萬所圍應魁竟以防卒數百人殺出重圍人咸服其智勇兼備無頡頏者

十一月初四日寧海大將軍固山貝子提師援台百姓頂香跪迎遮道延袤六七里外俱告以荒亂慘傷情形貝子惻然動念慰以不必驚惶自有平寇之策貝子之

莅台也公聽並觀不徇偏見功疑惟重罪疑惟輕於文
員諷以土俗民情於武職每察以樹功效力揣測多方
徐施方畧井井有條備言天封戰敗非諸將之怯乃三
軍之飢卽下令慰諭惟牛醢酒大行犒賞諭以務必堅
壁固壘慎毋輕舉自是諸軍皆按甲不動軍容肅然民
亦賴以安堵秋毫無犯各得安業

先是安設各營盤東盡羊埧西極留賢毗連三十里
所有民間墳墓俱被開掘深溝骸骨暴露貝子莅台經
過營盤見之不勝哀憫當卽傳諭諸軍嗣後不許攤掘

功績錄

八

民望及砍伐松楸違者按以軍法又前殉陳之人遠乃
遼薊近則京口杭州等處亦卽諭下給以運費令子弟
爲其父兄僕從爲其家主卽將骨骸昇回各遂首邱之
望仁哉貝子真澤及枯骨也

會當風鶴時人人自危幸貝子到台鎮靜調度大慰士
民雲霓之望亡魂得以安土其恩更莫大焉

初十日倍餉給山營諸軍陸營諸軍依山戍守漸偏近
衆各有懷鄉之思楊應魁察其意啟於貝子卽下令諭
倍月餉以給之歡聲如雷

十二日發台協官兵交監司楊應魁推問司都統以台
兵與寇通疑終不解啟貝子以發問台副將秦宏猷向
梗槩通賊並無實蹟應魁以誣啟貝子素信應魁公
忠其疑頓釋貝子令諭邑令王鑄鼎按地召集鄉兵之
首趨轅下餉以酒食金幣試有督力者給以練總劄暇
則互守禦有事則導官兵先行既爲杜奸之計復得地
利之宜軍前竹木動需千百有司檄練總按戶分任剋
期以交時稱便焉

功績錄

九

王師歷境度支靡常然非徑渡靈江莫由陷敵貝子檄
同知祖進朝卽西門廂房爲船廠董造江津爲上舟駕
梁

續演水師於東湖貝子恐水兵未諳無以迎敵遂令演
習檄有司募水手操舟演於東湖戰舟遂成陣勢

舟泊城南金雞巖夜爲江流暴漲所駛失去一半貝子
惟邑令是問令責管舟民戶願覓舟頭罪貝子笑許之
乃披蓑笠偕水手沿江號哭見舟所在哭益慘盜詰之
還以原船亦賊心變爲苦心也

二十七日增白塔汛戍兵白塔寺角枕靈江與賊倭山

密邇前撥守兵無多恐爲寇所據北阻餉道貝子允禩將議晚引步卒五百協防朝仍掣回所撥之兵皆綠旗也

十二月大雨雪軍馬皆飢軍中斗米三錢東草錢百文重價無由購自黃天仙三邑爲寇所據在地糧草已絕大軍所需俱從寧波由桐巖嶺運至台城

貝子莅台後領滿漢大軍不下十萬月支動輒三萬七千餘萬費苦不貲諸將急欲議戰貝子弗許

初二日貝子以歲逼年飢民不聊生傳監司楊應魁郡

功績錄

十

守高培令王鑄鼎轉請縉紳議法賑濟貝子當發銀四百兩諭台道守令酌量捐賑併勸有力紳衿亦行傾助在天寧寺煮粥救濟歲盡而止飢民得以存活

二十四日貝子令各練總鄉兵暫回卒歲諭爾等俱係鄉人屈在歲暮父母妻子倚閭而望每名給銀一兩米

三斗卽令回家各鄉兵感恩無地願効力弗去貝子嘉

憫之

乙卯康熙十四年春王正月朔貝子率百官

成命坐賜茶

新正大雨連宵軍皆苦之

十四日元夕禁慶賞貝子令守令可傳諭士民大寇對壘防範須嚴雖值元宵不得慶賞

十九日沿江春草方綠牧人驅羣就食賊誤爲兵駕船努力來禦飛報貝子遣兵急迎賊已退矣

都統周雲龍自帶兵來台貝子察其無所建白素不愜意周亦自知無所樹立殊苦岑寂竟於別郡覓美人匿軍中侍起居後周知貝子風聞卽遣去貝子查無實跡又加嚴飭周始悚然

功績錄

十一

周都統隕於七里崖下是日清晨烟霧迷離寇疑有警隔江發巨礮周都統適單騎自松山回經七里地勢窄狹飛彈擊巖石迴中周左耳隨隕馬下而卒天乎冠平二十三日賊水師都督朱飛熊弟朱光祖帶兵一百餘人戰船三隻投降將僞都督劄繳上貝子貝子納其降賞以功牌安置蔡嶺營

二十四日早各官啟見貝子出獨留台道楊應魁仙居

令鄭錄勳商酌機宜

二十五日遂撥兵進剿仙居鄭錄勳密遣牌一面沿行

知會仙居大路居民速即搬移大兵不日按臨恐殃及無辜賊朱福建必中等屯扎在城知我師進剿速報會養性又遣偽總兵蔡玉樹領賊眾二千協守

二月初一日辰刻鄭錄勲為鄉導我師統滿漢兵克復仙居攻敗之餘賊雜民處黑白難辨橫懼鋒鏑者不知凡幾先是貝子以仙居要地今為賊所據遊奕天台地界不時阻我糧道深為可患故於二十四日獨留楊應魁鄭錄勲等共議恢復仙居指畫甚善

初一日一舉即報捷音

功績錄

十二

初四日貝子諭台道楊應魁查有賊踞城池能預為投降者免其誅戮如有拒敵者一槩不留婦女給軍此本朝定例然也但僊民因我兵撤回被賊迫脅實非甘心從賊與他城失陷不同原其初情深有可憫該道即諭知縣鄭錄勲查明婦女果有本夫及至親願領回者該縣稟明都統即許准贖為此特諭

初五日寇營小兩山

初十日貝子令禁牧卒不許擾害村間

清明不禁民人出城祭掃

二十九日水寇大鯨陸續進泊小兩山議者思效火攻二三兩月歸燕不巢而去是春燕自南歸暫泊梁間終春之季不復葺壘哺雛豈畏兵乎

總兵阿爾泰雖則降寇志圖復讐遣一技勇號周千魴者持蠟丸三顆泗江欲入城啟貝子致監司楊應魁與其隨征子夸藍大被巡江寇兵夜於江面邏獲解寇帥偽總兵崔轉解會養性發之知其約於三月初七日決戰養性當將爾泰拿解耿逆絞死又如其字樣另寫血書蠟三函別遣腹心來投改約以初十日出兵為期爾

功績錄

十三

泰謀為內應養性隨將章家溪大營盤羣寇添入小兩山營內預為準備貝子監司平素慎於行兵動謀萬全早信爾泰無從寇意其子又在麾下故一時莫察先令水師提督常進功舟師進發海門夾攻竟於初十日夜調滿漢兵丁進攻小兩山轉為寇所敗計折滿兵三千餘漢兵亦如之我師大挫是日為立夏節

十七日海戰大捷我師未攻小兩山時貝子先令提督常進功帶滿漢水師進發海門是日早寇首朱飛熊輒以身與官兵禦膽悍異常常進功所攜鎗手三百名素

號諳練迎敵時百發百中戰日亭午炎氣蒸人飛熊岸
幘手持雙戟躍入我舟欲刺進功被用鳥鎗中額而斃
羣寇遂敗水軍功成奏捷貝子大喜於邸第開燕行賞
有差

十九日貝子命祖同知撫恤僊居

二十日貝子由東門出巡視各營盤晚從西門入見郊
外田盡荒蕪不勝扼腕次日傳台道楊應魁面諭米價
騰湧轉輸又艱食乃民天可卽示各鄉兵速回及時播
種毋荒農業

功績錄

十四

四月初旬貝子移邸第於白雲山初貝子在台駐城心
葉宦宅寇砲日從城外擊入於貝子第內更多震壘故
移至城北白雲山下楊園攻擊如前監司楊應魁啟貝
子言城中必有奸細隱匿故賊礮因所居對發遂嚴諭
各文員細加察訪獲得奸人王從龍搜出偽劄係寇腹
心前已謀入貝子書記并土宥邱文挺等數人戮之於
市內有生員葉大魁係從龍主款實不知情青邱視其
行刑訖旋即放回嗣後軍機密不復洩防範更嚴

十二日水師常提督白海門領師回營藉賽願爲名目

演戲營中貝子聞知傳諭責其放佚以肅軍心

十六日貝子親臨教場看兵先是貝子因春雨連綿甲
冑霉爛器械鏽蝕令各營將主將滿漢弁兵挨次調撥
入城看驗自十六日至二十七日止每日親下教場細
加點閱隊伍整齊軍容肅然可觀

五月五日貝子令聽軍中酌酢

二十八日諭監司楊應魁副將秦宏猷遍視各營盤凡
屯扎卑濕之地俱着就近移入塹堽處以免微氣薰蒸
六月初四日貝子令傳滿漢文武各員凡有割辦民人

功績錄

十五

聽其往來入城貿易不許盤詰先是貝子商之監司楊
應魁曰自統軍以來所有市貿以供軍需者已嚴諭滿
漢兵丁不許短價強買一粒不取寸草莫拾今訪得軍
中需用物料騰貴非常其中必有阻碍楊應魁卽啟云
郡中需用百物半產自天仙及黃巖沿海地方今居民
俱被寇脅割辦天仙雖已半復民人尚不敢入郡故貿
易無多需用不給自貝子諭後其遠近逃竄者柁率來
歸不絕於道斗米尺布俱負戴入市城中大有起色

仙居天台二縣自寇會養性逼台郡以後山賊蜂起俱

假大寇旗號徧滿天仙鄉村幸貝子恢復仙居山賊懼
賊星散有洋梵地方居民七十餘人被地方出首誣爲
真賊貝子發滿帥與楊道研訊以無器械爲據難以懸
坐啟貝子概行省釋

又沿江海東路大芬泗淋數十里地方時有寇船挨岸
停泊在地居民爲賊所制逼勒糧餉居民無奈供應有
啟貝子請屠之者貝子以事出威脅非其得已令監司
楊應魁訪實如果情真拿爲首者正法後楊應魁以地
民居近沿海與賊密邇且官兵遙遠救援不及民又以

功績錄

十六

自保身家計首從無可區別貝子云通寇法雖難貸然
則將如之何應魁敢以大寇在境未除居民多乃無辜
槩得誅之似覺不忍貝子大然其言云爾先得我心今
爾以片語全活數萬生靈其功德可與爾均之矣卽徧
令滿漢各官此後如有不軌之徒自能廉訪得實無許
爾輩妄啟以致反多滋累

六月間因仙居已復賊寇已遁路無阻隔糧草轉運甚
便俱已充足滿帥啟議進兵貝子以時當酷暑難以興
師不許

七月初旬貝子傳諭台道以天氣漸涼兵屯已久所屬
將領以師老紛紛議戰今何法可謀全勝前據仙令鄭
錄勲啟稱仙有別徑可通黃巖以抄賊後但事乃走險
雖曾密差鄉導將地圖繪來瞭然在目又經斟酌再四
惟應否可行必須謀出萬全該道可託奉令以巡視各
營盤爲名將圖帶去與鄭錄勲備相妥議并親至該縣
前所啟別徑地方度其形勢於地若利卽啟明候奪
初十日監司楊應魁奉貝子令從仙居看各營盤回達
傳滿漢將帥議戰自早晨入見至夜半方出

功績錄

十七

十五日遣滿帥穆都統等統大隊大兵密從仙居至茅
坪嶺於二十八日抵黃巖地界經涼蓬寧溪烏巖尾賊
之後賊知大恐計無所出於八月初七夜盡行拔營往
溫州其半從海門駕船而去其半從陸路而去皆留星
夜奔而自相蹂殺過黃在縣經宿一夜卽行

初八日貝子盡提台郡滿漢兵馬追至拗嶺駐扎至十
四日至黃巖又追至樂清溫州台州圍解自寇會養性
暨水軍朱飛熊部衆寇逼台郡以來號稱十萬黃天仙
相繼淪陷兼之遇歲荒歉土寇謠起人則蠢蠢勢則洶

洵若有不可終日者今一旦蕩平固我台人之幸實賴聖天子之福也

初貝子蒞台值大寇逼城乃不動聲色惟急以撫恤殘黎爲先務且深知監司楊公才識超邁可任器使凡鉅細機宜無不相籌畫而楊公又宏毅練達兼以公忠平恕無一念一事不切民生貝子內則寄以心膂外則視爲手足遂能贊立奇勲解我台民倒懸出水火而登之衽席貝子誠爲福曜而楊公亦實福星也康熙十四年八月日記

功績錄

大

貝子戰績紀畧

康熙甲寅閏變四月至平陽遊擊司廷猷導主以獻引偽都督曾養性副都督吳長春偽將軍朱飛熊盤踞平陽潛師渡飛雲江逾相嶺溫鎮祖宏勲已私通之伴遣副將楊春芳遊擊魏萬侯與其子棟俱戰沒春芳得脫歸賊遂進屯郡西山六月初一日宏勲集文武於大觀亭議降巡道陳丹亦抗聲不屈與知縣馬璆俱被害宏勲令其黨高陞李國才等開門迎賊遂入城脅民剪辮加宏勲爲安遠將軍添轄伍營總兵以平陽副將李宮

功績錄

九

牆改授參政兼攝督學事聚衆十萬八月往攻台郡樂清城守蘇木代死之時貝子振師救護台州鎮扼沿海諸逆紀律嚴肅指揮攻賊殲吳長春於黃巖朱飛熊水戰彈中胸亦斃賊勢遂阻賊屯城外特角一載會賊軍需不繼又數戰不利十四年八月初八日遁回溫州貝子統滿漢官兵追躡其後十九日至樂清先是樂民驚避邑中無人又值霖雨旬日海上皆爲寇船大兵無由到府於是用鄉導夏君周從柵溪沿山出青田渡江抵溫州賊由上塘抵禦貝子預令伏兵三百餘名藏之寶

勝寺內大兵佯退至綠嶂地方賊尾追近寶勝寺號砲響處伏兵奮擊殺出截住石甲灣賊首尾不能相顧時九月初三日大潮汐候賊披靡溺死石甲灣及殺傷者不可勝計貝子率師越和嶺至威寧淺灘扎排過岸時賊艘自郡港起鱗次至青田港下我師用明攻暗度之法命喬千總帶數百兵騎在下馬山上鳴金不絕若有安營不前之狀賊瞭望信爲不復進攻不知大軍已潛入溪口白括一帶直屯郡西山勢已扼其項而拊其背賊驚恐退據郡城偵有內變祿春芳并江心寺僧三人置

功績錄

僞戶曹員外郎司務等官鑄裕民通寶錢晉宏勲定東伯擢孫可德等爲親軍都尉協守郡邑我師撫勦並用遺諸生侯醇招撫死之賊晝夜修砌城垣開濬濠溝外築木城每日砲彈雨下十五年二月十六夜會養性祖宏勲發兵數萬水陸齊犯貝子授官兵與夸蘭大丹母佈等殺敗賊兵砲打沉賊船七隻殺賊七百有奇溺死不計其數於二更時賊用火逼攻西山貝子親督大兵酣戰至天明滿漢官兵奮力追殺賊衆大敗奔逃我師追扼將軍橋賊衆爭不能渡盡墮水中水爲不流殺賊

二萬有餘得軍資器械無算會養性被擒獲降馬與水爭命入城死守再不敢出夏五月天氣炎熱餉運維艱貝子令暫回師處州養馬俟秋高再舉拔寨起行沿途步步爲營斬賊於毛羊渡擊賊於臨福山孤溪口更東草爲人衣執如生排立空營內將數壞砲填藥安線丈餘線未燃火則搖旂以疑之約軍行數里線已燃火則雷發以驚之賊疑有伏遂退回十餘里我師按轡全歸六月至處州休養士卒至八月貝子命師進戰八月十八日自處州起程時有以先取松陽乘得勝之師再

功績錄

攻石塘爲請者貝子獨採溫鎮陳世凱之言謂石塘當四達之衝爲入閩便道破之不僅爲東甌之利乃進攻石塘二十日至石塘嶺地方倣陰平襲蜀故事攻其無備出其不意二十一日貝子命陳世凱卽刻進兵自統步騎繼發約五鼓共抵賊寨是日二更於雙嶺張村口伐木取路歷級而上天明抵賊寨奪賊龍幟斬寨大進連破九寨貝子駐馬於高山之嶺指揮調度於時石塘老巢雖破其衆猶自力戰兩軍迎合更迭六陣始及嶺下乘勝連夜渡河賊營放砲不停火光燭天我師奮勇

馳擊竭一日夜之力破數年堅守之寨燒營七座砍柵
二十有八斬首六千有奇獲砲十五位衣甲器械累萬
僞都尉連登雲等數萬之衆剿滅已盡從此耿逆束手
乞命東甌全復兩浙疆宇尺寸盡爲

朝廷之完土者實貝子之偉功豐烈直與日月爭光以
垂史冊而耀無窮云

功績錄

五

貝子撫嶧功績事實

康熙十三年閩逆倡亂賊寇金國蘭胡雙奇那其古楊
肆王茂公趙沛卿等乘機竊發而巨魁惟邱恩章俞鼎
臣爲最分布僞劉集兒黨將肆毒於嶧邑時貝子寧海
將軍奉

命提兵赴台道經嶧邑備聞賊寇聯絡情形相度山川
險要處所示參將滿進貴曰流賊之敢於聚嶧猖獗者
以天兵奉討閩逆巨罪無暇爲草寇計今留勁卒一千
爾與知府許洪勲協力勦除殲厥巨魁以安茲土其有

功績錄

五

無知悞入賊黨而脅從者宜子招撫冬十一月草寇邢
其古流賊趙沛卿以趙亦賢爲內應突入嶧城焚毀堂
署倉庫已幾莫保肆行剽掠男婦倉皇避難而流賊楊
肆王茂公更統黨接踵逞虐知縣張逢歡飛報貝子寧
海將軍軍前隨徵參將滿進貴遵照指訓方畧攻擊殺
賊一百餘人賊首俱各四散奔逃城池得以無恙給把
總兵二百防禦之又冬十一月草寇僞總兵胡雙奇流
賊僞都督金國蘭分扎嶧邑北鄉剽掠諸村堡而石山
豆官莊溪頭併上王蔣岸橋長橋等處毒害甚慘士女